

中國方志叢書·華中地方·第八三五號

據

清·陳澧等修，鄧煥等纂
清康熙二十一年刊本

影印

江 西 省

浮梁縣志

(一)

成文出版社有限公司印行

浮梁縣志序

今天子法古鏡今右文定制爰
詔天下凡公私紀載悉上

史官唯罷邑之志山川阨塞
戶口登耗人物風俗盛衰攸
繫其裨於史尤甚且隨時諮

詢以損益政令有當於適人
採風之旨焉其爲司土者之
指南又無論已顧官師之勤
隳邑士大夫之才否以暨干
戈凶札之不時或存或否大
半無以稱

上肯嗟嗟此豈特於史事罔禪卽

一方利弊末由上

聞是亦有司與士大夫之責也饒

之艷居吳楚之中正當中州

清淑之氣七邑連亘而浮梁

獨居上游山川秀麗物產繁

騷名臣賢士歷代相望而土
狹俗窳民無以給足則鎔土
爲飲食器以資利用豫章陶
器遂不脛而走天下

尚方之貢歲有常課至時有所興
造則

特遣近臣蒞之夫以一邑而供臆

太官利濟天下則利以此滋
弊亦以此叢其關食貨之益
絀政治之良裨顧不重歟則
紀載之詳編輯之慎視他邑
尤宜加意邑舊有志寘卯之

變燼於兵燹署縣寧撫州別
駕陳君教諭鄧君訓導周君
相與慨然興復捐俸脩之邑
士大夫咸樂爲助屬諸生李
緝寄俞日且率璣李志先
宗昌姚日熒等分類編纂

廟

堂之諮詢佐筆削之採擇乎今

與鄧周二君親裁定焉書成
較之舊志更爲詳覈夫今之
有司兢兢簿書目擊民生之
利弊莫敢興除况能爲民計
其遠儲

陳君以署篆至不肯遽廬其
官而涿梁之師儒與賢士大
夫能於兵燹甫脫之後相與
脩舉廢墜編勒成書則豫章
文學之風於茲可觀而陳君
之能於政尤可徵矣余不按

承乏茲艱得籍手以副

聖天子右文之治與軫念生民利
弊之心寔有厚幸云遂不辭
而爲之序

嘗

康熙二十一年歲在壬戌季秋

月穀旦

中憲大夫知饒州府事加二級
三韓黃家遴題



重刊浮梁縣志序

古先王畫疆分土而風教然
焉其間山川之繡錯戶口之
盈虛田賦物產之所供貢稅
財用之所出至於城郭宮室
學校倉庾興建沿革之由以

及高賢名宦忠孝節義嘉言
懿行進士方技之類俗有異
尚化靡不周太史採之以登
於王主拜受之藏諸秘閣以
備選擇若夫郡邑之志固方
輿所記載里閭所編輯細大

周詳非史匹也然志之所傳
述則皆史之所權輿也志願
不重乎哉我

皇上御極之十有一年誕敷文治
有纂修天下通志之

旨維時

諸憲臺恪遵

功令檄下屬邑延縉紳耆彥校
讐彙輯固已釐然其舉矣獨
是江右星分翼軫饒爲巨郡
郡轄七邑而浮處萬山之中
提封百里詳人物醇厚禮教
聿興景德一鎮則又縣南大

都會也柴陶者在焉貨陶者在焉海內受陶之用殖陶之利舟車雲集商賈爲聚五方雜處百貨俱陳煨燹乎稱盛觀矣任斯地者取成獻而寓目焉無不瞭若指掌東郡

王公以石渠之才揆蘭臺之
筆詳搜博採考證成帙綱舉
目張燦如列眉已告竣於癸
丑之秋厥功偉已無何逆氛
肆虐旋遭灰燼版籍蕩息迄
有年所茲清代庖昌江首考